

**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Articvlvs III. Vtrum Angeli sint creati in gratia. art. 3.

[urn:nbn:de:hbz:466:1-73915](#)

Demones di-
cendos nō of-
fobatos etia-
beatitudine
naturali cō-
templativa.

Suerint beati beatitudine speculativa naturali ante peccatum, manerentque in eis cognitio illa naturalis, quam ante peccatum haberunt, simpliciter tam, nec beatitudine naturali, etiam cōtemplativa, dæmones dicēdos esse beatos. Tum quoniam beatitudo naturalis contemplativa moralem beatitudinem (quæ in demonibus non manit, supponit, & prærequit tamquam conditionem, dispositionem, ornamenti, atque connexum quoddam, sine quo cognitio, & contemplatio naturalis, esto sublimis sit, beatitudinis nomen non meretur. Vnde Aristoteles postquam explicat in libris Ethicorum felicitatem actuam nouem prioribus libris tamquam fundamentum, dispositionem, & annexum quoddam felicitatis cōtemplative decimo libro de contemplativa felicitate differit. Tum etiam quoniam dæmones ex contemplatione & cognitione naturali Dei, nullum gaudium, nullamque delectationem recipiunt, eo quod cruciatus, & pena eos delectari non finit. Deinde in peccato iustum subtrahat concussum suum generalem, ne ex tali contemplatione delectatio aliqua in eis oratur: quis autem eiusmodi contemplationem efficere quemquam beatum dicere audeat? Præsertim cum ex sua nequitia, inordinationeque voluntatis, ex tali notitia in odiū Dei exardescant, & in tristitiam de perfectionibus, quas in eo cognoscunt: quod fit, ut ex praua ipsorum dispositione eiusmodi cognitio potius in maiorem corum miseriā, quam felicitatem cedat.

Angeli om-
nes in beatitudo-
naturale super-
naturali in-
feruntur
etiam fuisse
conduto.

Secundum est, Angelos non solum fuisse conditos in beatitudine, tam morati, quam contemplativa naturali, sed etiam in supernaturali infra beatam, idque propter habitus supernaturales tam fidei, sapientie, &c. ex parte intellectus, quam caritatis, spei, &c. ex parte voluntatis, vt in sequentibus patet. Vnde de Lucifero sub persona Regis Tyri Ezech. 28. dicitur: *Tu signaculum similitudinis, plenus sapientia, perfectus decoro, in delictis Paradisi Dei frusti, omnis lapis pretiosus operem tuum.* Tu Cherub extensis, & protegens, & positi te in monte sancto Dei, in medio lapidum ignoriorum ambulasti, perfectus in viis tuis à die conditionis tuae, donec malitia inuenta est in te. Vnde Angeli mali ante peccatum, Deum caritatem supernaturale dilexerunt, & ex felicitate morali, & speculativa eam naturali quam supernaturali gaudium maximum & delectationem percepserunt, vt non immergitur beatus Iudas in sua canonica scelitissimum illum statum appellauerit principatum, dicens: *Angelos, qui non seruauerunt suum principatum, sed dereliquerunt suum domicilium, vinculis eternis, &c.* De eiusmodi supernaturali felicitate intelligendum est illud Gennadij de Ecclesiasticis dogmatibus, cap. 59. *Angeloi qui in illa, qua creati sunt, beatitudine perseverant, & alia similia aliorum Patrum.*

ARTICVLVS II.

Vtrum Angelus indigerit gratia ad hoc,
quod conuerteretur ad Deum.

Angeli ex
sua natura-
liberis diligen-
te poterunt
Deum super
omniā dilec-
tione susci-
tari.

O N C L V S I O est. Angelus ex suis naturalibus diligere potuit Deum dilectione naturali: vt tamen conuerteretur ad Deum per dilectionem vita eternæ commensurata, per quam proinde vita eternæ efficeretur dignus, necessaria illi fuit gratia supernaturalis. Legem quæ diximus in Concordia, quæst. 14. artic. 3. a disputat. 3.

ARTICVLVS III.

Vtrum Angeli sint creati in gratia.

E R M O est de gratia gratum faciente. **Angeli.** & primum parentem non fuisse creatos in gratia affirmat Hugo de sancto Victore lib. 1. de Sacramentis par. 1. cap. 19. & 22. Ruper-

tus 1. de Trinitate, cap. 16. Magister in 2. distinct. 5. & duabus praecedentibus. Alexander Alensis 2. par. quæst. 19. memb. 2. D. Bonaventura in 2. distinct. 4. artic. 1. quæst. 2. Richardus ibidem artic. 2. quæst. 2. Argentinas distin. 5. artic. 2. Marsilius in 2. quæst. 4. artic. 1. Gabriel verò in 4. dist. 5. q. 1. artic. 2. hanc & contrarium sententiam vt probabiles defendit. Scotus autem dist. 5. quæst. antecip. videtur esse. Quo loco obserua, hos autores non solum fuisse arbitrios, Angelos malos non fuisse creatos in gratia, sed etiam numquam eos gratiam habuisse. Scotum excipio, qui hac de re antecip. etiam est. De primo autem parente Doctores predicti affirmant communiter in 2. dist. 29. cum non fuisse quidem creatum in gratia, eam tamen habuisse ante peccatum.

Probat primò suam sententiam. Quoniam Deus non sanctificat creaturam vñlū liberī arbitrij habentem, nisi ipsa semper ipsam ad gratiam disponat, & preparat per bonum vñlū sui arbitrij: ergo Deus neque Angelos, neque primum parentem creavit in gratia: sed primum parentem iustificauit post illius creationem, ipso prius bene vrente suo libero arbitrio: Angelos vero malos, qui numquam bene vñlū sunt libero arbitrio, numquam iustificauit.

Secundò, si Angeli creati fuissent in gratia, sane gratia non minus esset eis naturalis, quam species eis in instanti, in quo sunt conditi, infusa: sed gratia nulli creature est naturalis: ergo Angeli non sunt creati in gratia.

Tertio, Ioannes Papa, cap. Visis. 16. quæst. 2. de diabolo ait: *Dolet & erubescit caritatem, quam in calo nequirit habere, homines constantes ex lutea materia tenere in terra:* ergo diabolus numquam habuit caritatem & gratiam: si namque habuisset, quiuisset vtique eam habere.

Quarto, quoniam Gregor. 32. Moralium, cap. 18. iuxta impressionem Pacificiensem anni 1571. & iuxta vetustiorem, cap. 25. eiusdem lib. 32. exponens illud

Ezechiel. 28. *Aurum quodque decoris tui, & foramina tua, in die qua conditus es preparata sunt.* de Lucifero ait: *Huius lapidis foramina preparata sunt, quia videbilet capax caritatis est conditus, qua, si repleri voluisset, stantibus Angelis, tamquam positis in Regis ornamento lapidibus, potuisset inhevere.* Et nonnullis interiecti inferunt: *Habuit ergo lapis iste foramina, sed per superbie vñlū caritatis auro non sunt repleta: censet ergo Gregorius, numquam in Lucifero fuisse caritatem & gratiam, & pari ratione neque in aliis Angelis, qui cum illo corruerunt.*

Contra sententiam, que dicit Angelos & primum parentem creatos fuisse in gratia, est D. Thom. quod ad Angelos quidem hoc loco, quoad primum verò parentem inferius quæst. 95. artic. 1. Gratiani de parentitate dist. 1. per multa capita, preferrum cap. Cuius, quo ad Angelos, & cap. *Tolle caritatem,* quo ad primum parentem. Eamdem tenet Durandus in 2. dist. 4. quæst. 1. Maior ibidem quæst. vnica. Alberrus Magnus dist. 3. Gregorius ibidem quæst. 1. artic. 3. conclusione 1. Sotus 1. de natura & gratia, cap. 5. & plerique alii, estque nobis amplectēda. Sunt verò raulta

Contraria
sententia
vera est.

multa Scripturæ testimonia, quæ eamdem videntur sonare sententiam. Et in primis duo illa Ezechiel. 28. & beati Iude articulo præcedente relata. Vnde Gregor. 32. Moralium, cap. 8. exponens locum illum Ezechielis: *Quid boni, inquit, non habuit Lucifer, si signaculum Dei similitudinis fuit?* Præterea Ioan. 8. de Lucifero dicitur: *In veritate non stetit: fuit ergo aliquid in veritate; at ambulauit in veritate, &flare in veritate;* in Scripturis est, esse in gratia, iuxta illud 1. Ioan. 3. *Non diligamus verbo & lingua, sed ope- re & veritate.* In hoc cognoscimus, quoniam ex veritate sumus. Et illud 2. Ioan. *Gaudius sum, valde quoniam inueni de filiis tuis ambulantes in veritate.* Et epist. 3. *Maiorem horum non habeo gratiam, quam ut audiam filios meos in veritate ambulare,* & 1. ad Corinth. 1. *Qui stat, videat ne cadat,* & 4. Reg. 20. *Obsecro Do- mine, memento queso quomodo ambulauerim coram te in veritate.*

Hanc eamdem sententiam confirmat multorum Patrum testimonia. Basilius in illud Psal. 32. *Verbo Domini celi firmati sunt, Angelos, inquit, initio vir essem, Verbum opifex omnium condidit: sanctificationem vero simul impedit ipsi Spiritus sanctus.* Et paucis interiectis: *In prima, inquit, constitutione, & quasi quadam confessione sue substantie, simul insusam habuerunt sanctitatem.* Augustin. 11. de ciuitate Dei: *Nullo, inquit, modo secundum aliquod temporis statutum prius erant illi spiritus tenebre, quos Angelos dicimus, sed simul, ut facili sunt, luci facili sunt, non tamen ita tantum creati, ut quoquo modo essent, & quoquo modo vivuerent, sed etiam illuminati, ut sapienter beatèque vivuerent. Ab hac illuminatione auersi quidam Angeli non obtinuerunt excellentiam sapientis, beatèque vita, qua proculdubio non nisi aeterna eternitasque sua est certa, atque secura; sed & rationalem vitam licet insipiem, sic habent, ut eam non possint amittere, nec se velint. Quatenus autem antequam peccasse illius sapientia fuerint D participes, definitus quis potest.* Et 12. de ciuitate Dei, cap. 9. Deus, inquit, in Angelis simul erat condens na- turam, & largiens gratiam. Hieronymus in illud Ofcæ, cap. 3. *Dilexerunt vincia vuarum de filiis Israël, ait: Pristinam gratiam perdidere: sicut demones, qui lapsi de propria dignitate, & nihil antiqua gratia possidentes, aridi sunt, & veteri siccitate marcentes.* Damascenus 2. lib. fidei Orthodoxa, cap. 3. *Per Verbum Dei, inquit, creati sunt Angelos, & per sanctificationem Spiritus sancti perfecti, pro sua dignitate, & ordinis ratione illuminationem & gratiam participantes,* Cyrus 6. lib. in Ioan. cap. 8. sic ait: *In veritate non sicut, quia prolapsus est à veritate, nec voluit manere in sua origine sanctitatem, à iusto & bono Angelo diabolus factus est.* Gregorius 32. lib. Moralium, cap. 18. de Lucifero ait: *In medio ignitorum lapidum ambulauit, quia inter Angelorum corda igne caritatis succensa clausa gloria conditionis extitit.*

De primo parente multis autoritates sanctorum refert Magister in 2. dist. 19. cap. 2. Quod fuerit in gratia ante peccatum. Accedit definitio illa Ecclesiæ in Concilio Tridentino, scilicet §. 2. *Si quis non confiteretur primum hominem Adam cum mandatum Dei in Paradiso fuisse transgressus, statim sanctitatem, & iniustiam, in qua constitutus fuerat, amisisse, anathema sit.* Et §. 1. *Si quis Ad prevaricationem sibi soli, & non eius propagini asserti noctuisse, & acceptam à Deo sanctitatem, & iniustiam, quam perdidit sibi soli, & non nobis etiam cum perdidisse, anathema sit.* Quod vero primus parente non solum fuerit in gratia ante peccatum, sed etiam in ea fuerit creatus, probari potest. Quoniam parvuli non alia de causa contrahunt peccatum originale, nisi quia primo parenti collata fue-

A rat gratiæ, tamquam donum naturæ radici & trunco, ex quo tota natura humana erat propaganda, collatum: quia enim ipsi, & nobis gratia fuerat collata, seipsum, & nos suo illo peccato eti indignos effecit. Atque hæc est ratio, quare solum primum peccatum primi parentis, quo illa amissa est, in nos deriuere, reliqua vero minimè: gratia ergo à Deo collata Adamo era donum naturæ, & non persona, ac proinde quemadmodum in nos sine illa nostra dispositione ac motu liberi arbitrii simul cum natura erat deriuenda, parvulique in statu innocentia forent in gratia nascitur, sic etiam primo parenti collata fuit simul cum natura absque ullo motu liberi arbitrii ipsius præcedente. Ac sane pars est ratio quod eodem modo collata fuerit Angelis. Præterea parvuli, qui discedunt sine baptismo incurvant penam damnationis, quæ in carentia visionis diuina effientur est posita, ut ex cap. *Maiores causa, de baptismo & eius effectu constat: sed carentia visionis diuina effientur non efficit penam pueris, nisi ad illam habuissent ius per gratiam ipsius in primo parente collatam, quam primus parentis sibi, & ipsi amissit, ut patet, quia si parvulus nasceretur in puris naturalibus, & discederet ab hac vita, antequam perueniret ad vnum rationis C carentia visionis beatificare non efficit pena in eogeno Adam habuit gratiam ante peccatum, sibi & posteris suis collaram tamquam donum naturæ, & ob id sine illa sua dispositione. Accedit Anacleto, qui epistola sua prima decretali eleganter explicat primos parentes in gratia, virtutibusque omnibus repletos, fuisse conditos: tuncque hominem plus esse ad similitudinem Dei, qui caritas est, quando gratia, caritate, & virtutibus omnibus est repletus: & quia primi parentes tales sunt conditi, ait Genet. 1. dicti conditos, ad imaginem & similitudinem Dei. Subiungitque: *Quas virtutes, quanto plus quisque in seipso habet, tanto proprius est Deo, & maior est, ac sui conditoris gerit similitudinem.* Et infra: *Quapropter quisque diligenter attendat primæ conditionis sue excellentiam: & venerandam sanctam Trinitatem in seipso imaginem agnoscat, honorabilemque similitudinem diuina, ad quam creatus est, nobilitatem morum, executionem virtutum, dignitatem meritorum habere contendat, ut quando apparuerit qualis sit, tunc similis ei appareat, qui se mirabiliter ad similitudinem suam in primo Adam condidit, & mirabilius in secundo reformatus.* Gregorius autem loco citato infert optimè, tanto abundantiora & praestantiora dona collata fuisse Lucifero in sua prima constitutione, quanto Adamo, quanto plus est, creatum esse signaculum similitudinis Dei, quam factum solum esse ad imaginem & similitudinem Dei. Vnde: *Quid, inquit, non habuit, qui signaculum Dei similitudinis fuit.* Ex dictis constat non esse tutam in fide, immo errorem esse in fide post definitionem Concilii Tridentini, sententiam Marsili in 2. q. 16. art. 6. & Paludani in 4. distinct. 27. q. 4. artic. 4. conclusi, afferentes, primum parentem non habuisse gratiam ante peccatum.*

Superioribus rationibus, quibus ostensum est tam Angelos, quam primos parentes conditos fuisse in gratia, accedit ratio quam tangit D. Thomas hoc loco. Nempe, sicut Deus res cæteras in esse perfecit prodixit, eisque semina indidit (aut certe virtutes, quibus in eis semina essent) vnde similia viuentia efficerentur, contonum sic esse, ut creaturas intellegantur, liberisque arbitrio prædictas, produixerit perfectas, ac cum semine vita æternæ, quo cum finem, ad quem condebantur, valerent promerentur: cuiusmodi autem semen est gratia, ut ex illo 1. Ioan. 3. *Omnia qui natus est ex Deo, peccatum non facit, quoniam semini*

Originalis
peccatum cur
in nos trans-
fundatur.

sius in eo manet, est manifestum. Licet enim Deus
creaturas libero arbitrio præditas non considerit
cum ultimo fine, tum quod exercere prius eas vel-
let, & quasi periculum de eis facere: tum etiā quod
honorificentius multò illis est propter meritis ad
eum peruenire: concedens fuit, ut cum omnibus
mediis, ad eum finem propriis operibus promerendu-
m, necessariis eas considerit: gratia autem non
est finis virtutis, sed medium ad eum, atque ad pro-
prium meritum necessarium.

Ad primum argumentum in contrarium dicen-
dum est, antecedens solum esse verum de creatura,
qua per peccatum amissi iustitiam & gratiam, de-
bètque de statu peccati transire ad statum iustitiae:
concedens nāque est, vt plus Deus ab eo exigat, qui
*per peccatum iustitiam amissi, quam ab eo, qui num-
quam illam demeruit: & plus ab eo exigat, qui per*
proprium actum, quam ab eo qui per alienum eam
*amisit. Vnde aequissimè constituit Deus, vt qui pec-
cando per proprium actum liberi arbitrij nostri, aut*

primi parentis, ab eo recessimus, cooperando per
proprium actum, Deo ipso adiuuante, aut certè per
*actum alterius, quis sacramentum applicet, quo pa-
cto pueri ante vñum rationis iustificantur, ad eum*
*redeamus. Quamvis enim Deus eas tabulas dolaue-
rit & aptauerit, in quibus ante peccatum filiorum*
Irae legem scripsit: eas tamen, in quibus secundò
*legem cōscriptis, prioribus ob populi scelus à Moy-
se confractis, dolatas iam & aptatas sibi tradi iussit,*
plus aliquid post peccatum ab hominibus exigens,
ve illud idem beneficium conferret.

Quoniamdam
sententia de
dispositione
Angelorum
ad primam
gratiam.

Sunt qui velint, primam gratiam collatam An-
gelis in instanti, in quo sunt conditi, non fuisse illis
collatam sine propria dispositione eorum per suum
liberi arbitrium, imò pro qualitate dispositionis
cuiusque plus vel minus gratie fuisse illis collatum:
non secus ac nobis adulisti, dum à peccato resurgimus,
confertur prima gratia prævia nostra disposi-
tionis per nostrum liberum arbitrium, & pro quanti-
tate, & qualitate dispositionis. Addunt hi autores,
actum quo tam nos, dum à peccato resurgimus, ad
primam gratiam ultimò disponimur, quam Angeli
in primo instanti ad primam gratiam seipso dispo-
suerunt, emanare efficienter ab ipsa gratia, atque
ad eò esse posteriorem illa in genere causæ efficien-
tis: esse vero priorem illa in genere causæ materia-
lis, & dispositivæ.

Angeli sine
vila prævia
dispositione
gratia fuisse
collatum.

Longè probabilius existimo Angelos sine vila
prævia sua dispositione gratia acceperisse, idque probat
ratio D. Thomæ hoc loco, & reliqua quæ dicta
sunt, neque contrarium docet articulo sequenti, ut
ibi dicimus: Non dubito etiam dispositionem ultimam
nostram ad primam gratiam non emanare effi-
cienter à prima gratia, quatenus est dispositio, sed
per auxilia alia particularia adiuuari liberum arbitrium
nostrum, vt se disponat ad primam gratiam,
vt in Concordia quæst. 14. artic. 13. disputat. 44.
ostensum est.

Ad secundum.

Ad secundum neganda est sequela: ordō enim, si-
nisque naturalis, ad quem Angeli conditi sunt, po-
stulat, vt infundantur eis species, vt quæst. 15. art. 2.
explicatum est, & idè sunt eis naturales ista verò
nec naturalis ordo, nec finis naturalis postulat, vt
eis infundatur gratia, quæ ad finem supernatura-
lem conducit.

Ad tertium.

Ad tertium dicendum est, sensum illorum ver-
borum esse, nequissime illam habere, postquam eam
amisit: quia non est ei datus locus penitentia. Vel
certè nequissime habere caritatem consummatam
perseuerantem vsque ad terminum viæ, quam

A homines in terra tenent.

Ad quartum dicendum est, apertissimè Grego-
rium eo loco docere, Luciferum creatum esse in-
gratia, vt ex aliis, quæ ex eodem Gregorio eo loco
retulimus, est manifestum. Quod autem illis verbis
tradit, hoc sensu accipi debet: iuxta verba illa Pro-
pheta: præter aurum caritatis, in quo primò Lucifer
conditus est, concepit Gregorius Luciferum instar
lapidis pretiosi, in quo foramina quædam sint facta,
quibus filum auri inseratur, & affigatur vestimento
vñ cum aliis pretiosis lapidibus, huiusmodi autem
filum auri, quo Lucifer vñ cum aliis Angelis iustis-
foret inseruerans bona opera meritoria, & ca-
ritas perseuerans vsque ad terminum viæ: huius ca-
ritatis ait Gregorius Luciferum fuisse capacem, &
hanc non habuisse: & idè foramina illius fuisse va-
cuæ hac caritate.

ARTICVLVS IV.

Vtrum Angelus creatus suam beatitu-
dinem meruerit.

CONVENIVNT omnes, Angelum
suam meruisse beatitudinem, assevera-
rēque contrarium non solum temera-
rium, sed & pericolosum esset in fide.
Propter rationes namque, quas articulo præcedente
reddidimus, & alias ipsi melius, quam nobis no-
tas, merito constituit Deus, non aliter puris creatu-
ris, quam vñliberi arbitrij haberent, suam beatitudinem
conferre, quam ex propriis carum meritis
gratia ipsius suffulcis. Dixi, puris creaturis, propter
Christum Dominum, de quo tercia parte est dispu-
tandum, merueritne gloriam suæ proprieæ animæ.
Addidi, que vñliberi arbitrij, propter eos, qui ad
vñliberi arbitrij nō pertinent. Hi namque me-
ritis Christi, sibi per sacramenta applicatis, in vitam
æternam absque meritis propriis peruenire possunt.

Tota autem controvergia est, vtrum Angeli me-
ruerint suam beatitudinem, antequam eam conse-
querentur. Quidam (ni fallor propter Augustini
de cognitione matutina Angelorum, & propter alia
tam ipsius quam quorundam aliorum Parrum testi-
monia) arbitrii sunt, Angelos non habuisse grati-
am ante beatitudinem: & quia non datur meritum
vitæ æternæ sine gratia, in duas opiniones diuisi sunt.

Quidam eorum dixerunt, simul duratione Angelos
in instanti, in quo primò fuerunt beati, & suam pro-
meruisse beatitudinem, & fuisse beatos, sed prius na-
ture eam commeruisse, quam essent beatis: non secus
ac nos, cum à peccato resurgimus, simul duratione
suffulti auxilio diuino disponimus nos ad primam
gratiam, cùm consequimur, cùm tamē prius
natura nos ad eam disponamus, quam eam conse-
quamur. Alij verò dixerūt, Angelos per opera, quæ
erant exhibuti, quando in ministerio propter eos,
qui hæreditatem capiunt salutis, mitterentur, nō
que custodiunt, meruisse gloriam, consecutos esse
gratiā, atque ad eò præmium in eis fuisse ante meri-
tum: non secus ac quando miles accipit equum
aut arma, quibus militet, in præmium militia futu-
ra, præmium antecedens meritum.

Quo loco illud obiter admonuerim, cauendum
errorem Origenis honai. 20. & 24. in Numeros: &
13. & 35. in Lucam, quibus in locis affirmat, Ange-
los sanctos in nostram custodiam depūtatos non so-
lum mereri nos rite custodiendo, sed etiam deme-
ri, posseque peccare nos segniter custodiendo,
indéque

Origenis or-
nor canadu.